




欽定皇輿西域圖志

ル 5
104
18

六



凡5
204
18



欽定皇輿西域圖志卷之三十目錄

官制二

關展

哈喇沙爾

庫車

烏什

阿克蘇

賽喇木

喀什噶爾

所錢支
有物那

欽定皇輿西域圖志 卷之三十 目錄 一

葉爾羌

和闐

附回陪舊官制

欽定皇輿西域圖志卷之三十目錄

欽定皇輿西域圖志卷之三十

官制二

關展

辦事大臣一員。統理諸務。其聽差各員。於內

地鎮營員弁內派撥。無常員定額。

印房章京一員。乾隆二十六年。設筆帖式一

員。後改設章京二員。四十一年裁一員。

正八品筆帖式一員。乾隆四十年設。

委署筆帖式六員。乾隆二十六年。設十三員。

後遞裁七員。

同知一員。乾隆二十六年設。巡檢同。

巡檢一員。

管理駐防綠營都司一員。於陝西甘肅省派撥。守備以下同。

守備一員。

千總三員。

把總五員。

經制外委八員。

總理回務扎薩克郡王一員。

協理回務圖撒拉克齊二員。

都統一員。乾隆十九年設。副都統以下同。

副都統二員。

叅領二員。

佐領十五員。

驍騎校十五員。

分駐羅布淖爾五品伯克三員。

六品伯克七員。

哈喇沙爾

辦事大臣一員。乾隆二十四年設。

印房筆帖式六員。乾隆二十四年設二員。後

遞年增設如今額。

辦理糧餉官一員。乾隆二十四年設。用同知

通判以下。由陝西甘肅省除派。

管理屯政武職。自叅將遊擊以下。由陝西甘肅
省除派。無常員。不備載。

管理庫隴勒回民三品阿奇木伯克一員。

四品伊沙噶伯克一員。

營五品噶匝納齊伯克一員。

五品商伯克一員。

六品哈子伯克一員。

七品明伯克一員。

七品訥克布伯克一員。

七品玉資伯克一員。以上乾隆二十六年
設。

六品伯克一員。專司查臺。

七品伯克一員。專司採銅。以上乾隆三

十一年設。

按乾隆三十一年。因回戶撥住庫轍瑪。添設四品阿奇木伯克一員。裁六品哈子伯克一員。移四品阿奇木伯克。五品噶匝納齊伯克。七品玉資伯克。駐庫轍瑪。三十八年回駐庫隴勒。仍如前額。

管理玉古爾回民三品阿奇木伯克一員。

四品伊沙噶伯克一員。

辦五品噶匝納齊伯克一員。十四年設。二十六年

奏五品商伯克一員。

六品哈子伯克一員。

七品明伯克一員。

辦七品訥克布伯克一員。十一平定。二十

七品玉資伯克一員。以上乾隆二十六年

設。

六品伯克一員。專司查臺。

七品伯克一員。專司採銅。以上乾隆三

十一年設。

庫車

辦事大臣一員。

兼轄沙雅爾

乾隆二十四年

設。

印房章京一員。

乾隆三十一年設二員。三十

四年裁一員。

筆帖式二員。

委署筆帖式三員。

辦理糧餉官一員。

乾隆二十四年設。二十六

年。定以縣丞典史。由陝西甘肅省除派。

管理駐防綠營都司一員。

守備一員。

千總一員。

把總二員。

經制外委三員。

管理回民三品阿奇木伯克一員。

四品伊沙噶伯克一員。

五品噶匝納齊伯克一員。

五品商伯克一員。

六品哈子伯克一員。

七品密喇布伯克二員。

七品訥克布伯克一員。

七品明伯克三員。

七品都官伯克三員。

七品木特幹里伯克一員。

七品茂特色布伯克一員。

七品阿爾巴布伯克一員。

甘肅會同錄

七品帕察沙布伯克一員。

七品伯克一員。專司採銅。

分理沙雅爾三品阿奇木伯克一員。

四品伊沙噶伯克一員。

五品噶匝納齊伯克一員。

五品商伯克一員。

六品哈子伯克一員。

七品密喇布伯克一員。

七品訥克布伯克一員。

七品都官伯克二員。

七品茂特色布伯克一員。

七品伯克一員。專司採銅。以上乾隆二

十四年設。

烏什

叅贊大臣一員。舊駐副都統一員。乾隆三十

一年改設。自阿克蘇移駐。總理烏什阿克蘇

賽喇木拜諸城事務。

領隊大臣一員。乾隆三十一年。自喀什噶爾

移駐。

印房章京二員。乾隆三十一年設。

筆帖式三員。舊設一員。乾隆三十一年增

二員。

管理糧餉官一員。舊以典史管理。乾隆三十

一年改用部員。

照料八

覲伯克之侍衛一員。

管理卡倫侍衛十員。

軍臺委署筆帖式十員。乾隆三十五年設二十員。三十七年裁十員。

管理駐防滿營協領一員。

佐領二員。

防禦二員。

驍騎校一員。以上乾隆三十五年設。由烏

魯木齊巴爾庫勒派撥。

管理駐防綠營守備一員。乾隆二十六年設。

把總六員。舊設二員。乾隆三十一年增四

員。由陝西甘肅省除派。

經制外委六員。舊設二員。乾隆三十一年

增四員。由陝西甘肅省除派。

管理屯政官弁。自副將都司以下。由陝西甘肅

省派往。五年更換。無常員。不備載。

管理回民五品阿奇木伯克一員。

六品哈子伯克一員。

七品明伯克一員。

七品密喇布伯克一員。

按烏什舊設三品阿奇木伯克一員。四品伊沙噶伯克一員。五品噶匝納齊伯克一員。五品商伯克一員。六品哈子伯克一員。七品巴濟吉爾伯克一員。七品密喇布伯克一員。七品訥克布伯克一員。七品什和勒伯克一員。七品哈喇都官伯克一員。分理哈喇和卓六品阿奇木伯克一員。七品哈子伯克一員。七品密喇布伯克一員。七品都官伯克一員。分理闡展六品阿奇木伯克一員。七品哈子伯

克一員。七品密喇布伯克一員。七品都官伯克一員。分理魯克察克六品阿奇木伯克一員。七品哈子伯克一員。七品密喇布伯克一員。七品都官伯克一員。分理托克三六品阿奇木伯克一員。七品哈子伯克一員。七品密喇布伯克一員。七品都官伯克一員。分理洋赫六品阿奇木伯克一員。七品密喇布伯克一員。七品都官伯克一員。分理連木齊木七品阿奇木伯克一員。七品哈子伯克一員。七

品密喇布伯克一員。七品都官伯克一員。分
理雅木什七品伯克一員。分理雅爾七品伯
克一員。分理森尼木七品伯克一員。分理罕
都七品伯克一員。分理布干七品伯克一員。
乾隆三十年逆回滋事。平定後復設如今額。

阿克蘇。

管理駐防綠營遊擊一員。
經制外委一員。
按阿克蘇原駐辦事大臣一員。協辦大臣一

員。領隊大臣二員。印房章京二員。筆帖式三
員。糧餉同知一員。乾隆三十一年。歸併烏什
管理。前缺均裁。存管理綠營武職如前額。於
陝西甘肅省除派。

管理回民三品阿奇木伯克一員。

四品伊沙噶伯克一員。

五品噶匝納齊伯克一員。

五品商伯克一員。

六品哈子伯克一員。

六品巴濟吉爾伯克一員。

六品伯克二員。分司修壩管臺事務。

七品訥克布伯克一員。

七品都官伯克三員。

七品茂特色布伯克一員。

七品木特幹里伯克一員。

七品明伯克二員。

七品阿爾巴布伯克一員。

七品帕察沙布伯克一員。

七品什和勒伯克二員。

七品伯克三員。專司採銅。

分理托來六品阿奇木伯克一員。

分理喀勒喀勒六品阿奇木伯克一員。

七品哈子伯克一員。

七品密喇布伯克一員。

七品明伯克二員。

分理雅爾巴什七品密喇布伯克一員。

七品明伯克一員。

分理庫木巴什七品密喇布伯克一員。

七品明伯克一員。

分理阿克雅爾七品密喇布伯克一員。

七品明伯克一員。

分理哈喇塔勒七品密喇布伯克一員。

七品明伯克二員。

分理哈爾噶額密什七品密喇布伯克一員。

分理雅爾賽喇木七品明伯克一員。

分理愛庫爾七品密喇布伯克一員。

分理英額阿里克七品明伯克二員。

分理伯什阿里克七品明伯克一員。

分理赫色勒七品明伯克一員。

賽喇木。七品密喇布伯克一員。

管理駐防綠營遊擊一員。兼轄拜城。 乾隆二

十四年駐侍衛一員。二十八年改駐翼長一

員。三十三年裁。改設遊擊。

管理經制外委一員。乾隆二十四年設。

管理卡倫侍衛一員。

驍騎校一員。以上乾隆三十九年設。

管理回民三品阿奇木伯克一員。平定。

四品伊沙噶伯克一員。

五品噶匝納齊伯克一員。

六品哈子伯克一員。

七品密喇布伯克一員。

七品明伯克一員。

分理拜城經制外委一員。

分理拜城四品阿奇木伯克一員。

五品伊沙噶伯克一員。

六品噶匝納齊伯克一員。

七品密喇布伯克一員。

七品哈子伯克一員。

七品明伯克一員。

喀什噶爾。

辦事大臣一員。乾隆二十四年設。叅贊大臣

一員。總理各回城事務。又領隊大臣一員。三

十一年移駐烏什。改設辦事大臣。專理本處

所屬諸務

協辦大臣一員。乾隆二十四年設。

印房章京一員。舊以隨營官辦事無常員。乾

隆二十六年設定如額。辦理回務。章京及筆

帖式同。

筆帖式二員。

辦理回務章京一員。

筆帖式一員。

委署筆帖式六員。乾隆二十七年設。

辦理糧餉官一員。舊以隨營官辦事無常員。

乾隆二十六年改設。用同知通判。由陝西甘

肅省除派。

聽差守卡侍衛十三員。乾隆二十六年派駐

十五員。三十五年移駐塔爾巴噶台二員。

軍臺委署筆帖式一員。舊設三員。乾隆三十

七年裁二員。

駐防滿營領隊官。乾隆二十四年設。以副都

統侍衛等官管理。無常員定額。

按初以

乾清門侍衛護送回人到防管理。自乾隆三十九年。改派侍衛後。停管領隊事務。

叅領二員。

防禦一員。

驍騎校三員。

駐防綠營總管官一員。乾隆二十四年設。初

駐總兵一員。三十三年。改派副將叅將等官。

遊擊一員。

都司二員。分駐舊城一員。

千總三員。

把總三員。

經制外委六員。

管理回民三品阿奇木伯克一員。

四品伊沙噶伯克一員。

四品噶匝納齊伯克一員。

四品商伯克二員。

五品哈子伯克一員。

五品訥克布伯克一員。

五品茂特色布伯克一員。

五品木特幹里伯克一員。

六品巴濟吉爾伯克一員。

六品明伯克一員。

六品都官伯克一員。

六品阿爾巴布伯克一員。

六品帕察沙布伯克一員。

六品克勒克雅喇克伯克一員。

六品什和勒伯克一員。

六品巴克瑪塔爾伯克一員。

七品明伯克一員。

分理牌租阿巴特四品阿奇木伯克一員。

七品明伯克一員。

分理塔什巴里克四品阿奇木伯克一員。

分理阿斯騰阿喇圖什五品阿奇木伯克一員。

六品哈子伯克一員。

七品明伯克五員。

分理玉斯屯阿喇圖什六品阿奇木伯克一員。

六品哈子伯克一員。

七品明伯克一員。

分理伯什克勒木五品阿奇木伯克一員。

六品哈子伯克一員。

六品密喇布伯克一員。

六品明伯克一員。

分理提斯袞五品密喇布伯克一員。

分理阿喇古六品阿奇木伯克一員。

葉爾六品哈子伯克一員。

分理鄂坡勒六品阿奇木伯克一員。

分理汗阿里克六品密喇布伯克一員。

六品哈子伯克一員。

七品明伯克一員。

分理霍爾干六品密喇布伯克一員。

六品明伯克一員。

分理赫色勒布伊六品密喇布伯克一員。

分理塞爾們六品密喇布伯克一員。

分理托克庫爾薩克六品密喇布伯克一員。

分理托璞魯克七品明伯克一員。

分理岳普爾和七品明伯克一員。

分理英噶薩爾四品阿奇木伯克一員。

六品哈子伯克一員。

六品密喇布伯克一員。

總管英噶薩爾五處卡倫伯克一員。

英噶薩爾屬賽喇克七品密喇布伯克一員。

葉爾羌。

辦事大臣一員。

協辦大臣一員。兼理領隊事務。乾隆二十六

年。設領隊大臣二員。後裁。

印房章京二員。初以隨營官辦事。無常員。乾

隆二十六年。設定如額。筆帖式同。

筆帖式三員。

辦理糧餉官一員。乾隆二十六年設定。用同

知通判。由陝西甘肅省除派。嗣後由本處補

用。無人則於廢員內由京揀發。

聽差坐卡侍衛十三員。乾隆二十六年定十

五員。後裁二員。

委署筆帖式二十員。

管理駐防滿營佐領二員。

驍騎校二員。舊於軍營武職內委駐。無常

員。乾隆三十六年。設定如額。由伊犁烏魯

木齊等處派撥。

管理駐防綠營副將一員。舊設總兵一員。乾

隆三十三年改設。

遊擊一員。

都司一員。

千總三員。

把總三員。

經制外委九員。

按管理綠旗武職舊於隨營官內派駐無常
員。乾隆二十八年。設定如額。

管理回民三品阿奇木伯克一員。

四品伊沙噶伯克一員。

四品商伯克一員。

五品密喇布伯克一員。

五品訥克布伯克一員。

五品木特幹理伯克一員。

五品哈喇都官伯克一員。

五品帕察沙布伯克一員。

五品哈子伯克一員。

六品巴濟吉爾伯克一員。

六品明伯克一員。

六品都官伯克一員。

六品茂特色布伯克一員。

六品什和勒伯克一員。

六品匝布梯墨克塔布伯克一員。

六品巴克瑪塔爾伯克一員。

六品哲博伯克一員。

六品阿爾巴布伯克一員。

六品賽特里伯克一員。

分理托古斯恰特五品阿奇木伯克一員。

六品哈子伯克一員。

六品明伯克一員。

分理英額齊盤五品阿奇木伯克一員。

六品密喇布伯克一員。

六品明伯克一員。

分理哈爾噶里克五品阿奇木伯克一員。

六品哈子伯克一員。

六品密喇布伯克一員。

六品明伯克一員。

分理和什阿喇布五品阿奇木伯克一員。

分理伯什恰特五品密喇布伯克一員。

分理薩納珠五品阿奇木伯克一員。

分理舒帖五品密喇布伯克一員。

六品明伯克一員。

分理裕勒阿里克六品阿奇木伯克一員。

分理色勒克郭勒五品阿奇木伯克一員。

六品伊沙噶伯克一員。

六品商伯克一員。

六品哈子伯克一員。

六品阿爾巴布伯克一員。

七品什和勒伯克一員。

七品巴匝爾伯克一員。

分理巴爾楚克六品阿奇木伯克一員。

分理塔克布伊六品阿奇木伯克一員。

分理坡斯恰木六品哈子伯克一員。

分理喇巴特齊六品密喇布伯克一員。

分理鄂湍楚魯克六品密喇布伯克一員。

和闐

辦事兼領隊大臣二員。

駐防滿營委署筆帖式二員。

駐防綠營都司一員。

千總一員。

把總一員。

經制外委二員。

管理回民三品阿奇木伯克一員。

四品伊沙噶伯克一員。

五品哈什伯克一員。

五品木特木爾伯克一員。

六品哈喇都官伯克一員。

七品訥克布伯克一員。

七品茂特色布伯克一員。

七品木特幹里伯克一員。

七品都官伯克一員。

七品哈喇都官伯克一員。

七品什和勒伯克一員。

分理額里齊五品噶匝納齊伯克一員。

六品哈子伯克一員。

七品帕察沙布伯克一員。

七品明伯克一員。

分理額里齊屬境七品密喇布伯克一員。

七品明伯克三員。

分理玉隴哈什四品阿奇木伯克一員。

五品商伯克一員。

六品哈子伯克一員。

分理玉隴哈什屬境七品密喇布伯克二員。

七品明伯克二員。

分理哈喇哈什四品阿奇木伯克一員。

五品商伯克一員。

六品哈子伯克一員。

七品帕察沙布伯克一員。

七品都官伯克一員。

分理哈喇哈什屬境七品密喇布伯克三員。

七品明伯克四員。

奏分理車噶四品阿奇木伯克一員。

六品哈子伯克一員。

七品密喇布伯克一員。

七品明伯克一員。

天分理塔克四品阿奇木伯克一員。

皇土爾六品哈子伯克一員。

分理克爾雅四品阿奇木伯克一員。

六品哈子伯克一員。

分理克爾雅屬境七品密喇布伯克一員。

欽定皇朝西域圖志 卷三十一
七品明伯克二員。

按回部官職。小大舊有等差。伯克其統名也。我

皇上撫定西陲。設官置輔。仍其舊名。而寵以

天朝之品秩。自三品以下。至七品不等。回人中有從戎効力。及輸誠內附者。量材以授。而數之多寡。則因乎地之大小。事之繁簡。或有添設裁減。則辦事大臣隨時

奏請。未有定額。其準爵詔祿之制。以授地爲差。三

品伯克。每員給二百帕特瑪籽種地畝。種地人百名。四品伯克。每員給百五十帕特瑪籽種地畝。種地人五十名。五品伯克。每員給百帕特瑪籽種地畝。種地人三十名。六品伯克。每員給五十帕特瑪籽種地畝。種地人十五名。七品伯克。每員給三十帕特瑪籽種地畝。種地人八名。其密喇布伯克各員。專司灌溉。原有例分地畝。不另撥給。止給種地人各五名。伊犁官屬中。有以伯克官之者。受祿亦如

之至奉

旨特簡駐劄各城將軍大臣均照駐防西藏西寧之例鑄授印信優給養廉隨時簡派輪替其侍衛章京筆帖式各員乾隆二十六年經辦事大臣奏請亦照西藏西寧之例酌派更代以三年爲制

附回部舊官制

回部爲有城郭之國每城各設諸職以辦事有總理者有專司者大小內外各有等差今疏

其色目詳其職掌如左

阿奇木伯克統理城村大小事務職繁權重爲諸伯克之冠

伊沙噶伯克協同阿奇木以辦理庶務職任亦重位卽次焉

噶匝納齊伯克管理地畝糧賦

商伯克職司徵輸糧賦

哈子伯克總理一切刑名事務

密喇布伯克職司水利疏濬灌漑之務

訥克布伯克。管理匠役營造諸公務。

帕察沙布伯克。巡緝姦宄。捕訪賊盜。及提牢

諸務。

茂特色布伯克。管理經典。整飭教務。不與民

事。

木特幹里伯克。職司售授田園房產。掌其質

劑。治其爭訟。兼收其稅入焉。

匝布梯墨克塔布伯克。專司教習經館事務。

克勒克雅喇克伯克。商賈貿易。徵收其稅入

者。

斯帕哈子伯克。辦理頭目詞訟。

拉雅哈子伯克。辦理細民詞訟。

巴濟吉爾伯克。職理稅務。

阿爾巴布伯克。管理派差催課事務。猶內地

之里正鄉長也。

巴克瑪塔爾伯克。專司果園事務。

都官伯克。經理各處文移記檔。一切分攢官

項事務。

哈喇都官伯克。安設臺站。修整兵械。

多博伯克。徵輸二千戶糧賦。

明伯克。分領回眾頭目。職如千總。

玉資伯克。徵輸百戶糧賦。

鄂爾沁伯克。徵輸數十人糧賦。

哲博伯克。專司修造甲械。

賽特里伯克。巡察街道園林果木諸務。

什和勒伯克。職司驛館米芻雜務。

都爾噶伯克。阿奇木首領官。

巴匝爾伯克。管理市集細務。

哈什伯克。承辦採玉事務。

克圖瓦爾伯克。辦理工程事務。

鄂克他克奇伯克。掌宴會牲牽果品之屬。

漢書西域傳哀平之間。自相分割。為五十五國。凡國自譯長。城長。君監吏。大祿伯長。千長。都尉。且渠當戶。將相。侯王。皆佩漢印綬。凡三百七十六人。而康居大月氏安息罽賓烏弋之屬。皆以絕遠。不在數中。

後漢書西域傳于寘王位侍子戎降漢封爲守節侯疏勒王臣磐遣使奉獻帝拜臣磐爲漢大都尉兄子臣勳爲守國司馬

明史西域傳巴什伯里

舊音別失八里今改正

宣德元年

入貢授其正副使爲指揮千戶自後使臣多授官

此西域之臣受中國官者

漢書西域傳鄯善國輔國侯郤胡侯鄯善都尉擊車師都尉左右且渠擊車師君各一人譯長

二人且末國輔國侯左右將譯長各一人

小宛國輔國侯左右都尉各一人精絕國精

絕都尉左右將譯長各一人扞彌國輔國侯

左右將左右都尉左右騎君各一人譯長二人

于闐國輔國侯左右將左右騎君東西城長

譯長各一人皮山國左右將左右都尉騎君

譯長各一人莎車國輔國侯左右將左右騎

君備西夜君各一人都尉二人譯長四人疏

勒國疏勒侯擊胡侯輔國侯都尉左右將左右

騎君左右譯長各一人。尉頭國左右都尉各一人。左右騎君各一人。姑墨國姑墨侯輔國侯都尉左右將左右騎君各一人。譯長二人。溫宿國輔國侯左右將左右都尉左右騎君譯長各二人。龜茲國大都尉丞輔國侯安國侯擊胡侯卻胡都尉擊車師都尉左右將左右都尉左右騎君左右力輔君各一人。東西南北部千長各二人。卻胡君三人。譯長四人。烏壘城都尉譯長各一人。渠犁城都尉一人。尉犁

國尉犁侯安世侯左右將左右都尉擊胡君各一人。譯長二人。危須國擊胡侯擊胡都尉左右將左右都尉左右騎君擊胡君譯長各一人。焉耆國擊胡侯卻胡侯輔國侯左右將左右都尉擊胡左右君擊車師君歸義車師君各一人。擊胡都尉擊胡君各二人。譯長三人。卑陸國輔國侯左右將左右都尉左右譯長各一人。卑陸後國輔國侯都尉譯長各一人。將二人。郁立師國輔國侯左右都尉譯長各一人。

西且彌國。西且彌侯。左右將。左右騎君。各一人。
東且彌國。東且彌侯。左右都尉。各一人。
劫國。輔國侯。都尉。譯長。各一人。
狐胡國。輔國侯。左右都尉。各一人。
山國。輔國侯。左右將。左右都尉。譯長。各一人。
車師前國。輔國侯。安國侯。左右將。都尉。歸漢都尉。車師君。通善君。鄉善君。各一人。
譯長。二人。
車師後國。擊胡侯。左右將。左右都尉。道民君。譯長。各一人。

北史西域傳高昌國有令尹一人。比相國。次有

公二人。皆王子也。一爲交河公。一爲田地公。次有左右衛。次有八長史。曰吏部。祠部。庫部。倉部。主客。禮部。戶部。兵部。次有五將軍。曰建武。威遠。凌江。殿中。伏波。次有八司馬。長史之副也。次有侍郎。校郎。主簿。從事。階位相次。分掌諸事。次有省事。專掌導引。其大事決之於王。小事則世子及二公。隨狀斷決。評章錄記。事訖卽除。籍書之外。無久掌文案官人。雖有祿位。並無書。惟每早集於牙門。評議衆事。諸城各有戶曹。水曹。田曹。

城遣司馬侍郎相監檢校。名爲令。

文獻通考四裔考。龜茲國主。自號師子王。與宰相九人同治國事。

此西域之設官於本國者。

按昔回部受中國官制。見於史傳者。孟堅艷稱其自大祿監吏。至將相侯王。佩印綬者幾四百人。以爲美談。不知彼所佩者漢之印綬。而所治者彼國之事也。所食者彼國之祿也。所奉者彼國之主也。唐世諸外域。悉授以都

督刺史之銜。似皆得其君長而臣之矣。然名則刺史也。都督也。實則可汗也。贊普也。是亦不過以高官厚爵。相羈縻而已。方今西陲大定。回部諸伯克。作我臣僕。隸我職守。頒爵授精。一秉

朝常。回部之制與準部等。故能官吏清勤。民人和樂。居中馭外。指臂相聯。夫豈漢唐以來。徒以虛名相尙者。所可相提並論與。

欽定皇輿西域圖志卷之三十一
 兵防一
 嘉峪關
 安西州
 哈密
 鎮西府
 迪化州
 伊犁
 庫爾喀喇烏蘇

欽定皇輿西域圖志卷之三十一目錄

兵防一

嘉峪關

安西州

哈密

鎮西府

迪化州

伊犁

庫爾喀喇烏蘇

塔爾巴噶台

闢展

哈喇沙爾

庫車

烏什

阿克蘇

賽喇木


喀什噶爾

葉爾羌

西域圖志卷之三十一目錄

和闐

附臺站卡倫



欽定皇輿西域圖志卷之三十一

兵防

臣等謹按西域爲古西戎。土風剛勁。民多桀黠。樂戰鬥。顧其前代兵制所垂。書缺有間。孟堅爲西域傳。頗稱賅備。然所得而紀者。或勝兵數十人。或勝兵數百人。大畧卽人卽兵。選丁壯以供擊刺而已。欲進覈其卒伍之定數。調遣之常期。督察之成式。糗糧之實用。罕得而詳焉。準噶爾四部及諸回部。曠處荒陲。考其山川形勢。崇岡

疊嶂險足以守。長河廣澤深足以塹。指顧二萬餘里中。掃蕩廓清。歸我

皇化。包戈偃伯以來。非建制服屬。無以善其後。然地大物博。惟是戎代往來之孔亟。卽善後者。又將何以爲繼。我

皇上聖謨廣運。集大勳于五載之中。卽爲策永定于億萬斯年之後。於是防守則取諸滿洲。暨蒙古索倫諸部。屯種則兼用綠營。咸有額設以資捍衛。而又爲之隨宜定制。因地分營。或更番以均

勞逸。或永駐以安室家。凡皆以西域治西域。而經費不取支于中土。且利興事集。合計邊防。兵弁郵傳之需。準以屯儲歲入。十盈四五焉。猗歟駿烈豐庸。卓鑠曩古。非賴我

皇上宵旰疇咨。撫八荒如庭戶。何以使宏綱細目。周備不遺若此。又豈前代貳師廣武。惟是一軍一旅。一亭一障之寥寥者乎。茲于脫甲之餘。備著纘戎之畧。俾天下後世。仰

盛朝所以救絕徼而固丕基者。具由

年增一百名。二十八年裁五名。三十年裁二百名。三十二年裁一名。續增二百名。如今額。隸叅將轄。

沙州協左右二營。駐防綠旗馬步兵一千三百四十九名。原額兵一千五百名。乾隆二十八年裁五十一名。三十二年裁一百名。如今額。隸副將轄。

靖逆營。駐防綠旗馬步兵六百七十四名。原額兵八百名。乾隆二十六年裁二百名。二十

八年裁六名。三十一年增八十名。如今額。隸遊擊轄。

布隆吉爾營。駐防綠旗馬步兵四百九十二名。原額五百名。乾隆二十八年裁八名。如今額。隸都司轄。

踏實堡營。駐防綠旗馬步兵一百九十四名。原額兵三百名。乾隆二十八年裁六名。三十二年裁一百名。如今額。隸都司轄。

橋灣營。駐防綠旗馬步兵二百九十六名。原

額兵三百名乾隆二十八年裁四名。如今額。隸都司轄。

赤金營。駐防綠旗馬步兵二百名。隸都司轄。

瓜州營。駐防綠旗馬步兵九十六名。原額兵六百名。乾隆二十六年裁五百名。二十八年裁四名。如今額。隸千總轄。

雙塔堡營。駐防綠旗馬步兵九十九名。原額兵一百名。乾隆二十八年裁一名。如今額。隸千總轄。

惠回堡營。駐防綠旗馬步兵一百名。隸千總轄。黃墩堡營。駐防綠旗馬步兵九十七名。原額兵三百名。乾隆二十六年裁二百名。二十八年裁三名。如今額。隸千總轄。

按塔爾灣。舊設駐防綠旗馬步兵二百名。乾隆三十一年裁。百齊堡。舊設駐防綠旗馬步兵一百名。二十八年裁。

哈密。

駐防綠旗兵八百名。原額兵二千名。乾隆二

十六年裁。移瓜州營兵三百名。布隆吉爾營兵二百名。黃墩營兵二百名。二十七年添移安西提標營兵一百名來駐。如今額。隸副將轄。

聽差兵一百名。於沙州營派撥。

塔爾納沁屯田兵一百七十名。蔡巴什湖屯田兵一百名。牛毛湖屯田兵十名。即於駐防額

內分駐。見屯政門。

鎮西府。即巴爾庫勒。

駐防滿洲蒙古兵二千名。乾隆三十八年設。

於西安寧夏駐防兵內移駐。

鎮標三營。駐防綠旗馬步兵一千九百四十一

名。舊駐安西提標五營。額設馬步兵三千

五百名。二十七年裁存一千七百四十一名。

改立三營。三十年增二百名。如今額。隸總兵

轄。

古城營。駐防綠旗馬步兵二百名。乾隆三十

六年設。隸遊擊轄。

木壘營。駐防綠旗馬步兵三百一名。乾隆三

十一年設一百二十一名。三十六年增一百

八十名。如今額。隸守備轄。

臺差兵。卽於鎮標三營內派撥。

屯田兵五百名。舊設一千名。乾隆二十七年

裁六百名。三十一年增一百名。如今額。又古

城屯兵五百五十名。吉布庫屯兵一百五十

名。俱見屯政門。

按嘉峪關外安西諸衛。舊因外控準夷。爲涼

肅門戶。設立提標。統率五營弁兵。駐防彈壓。

所以慎邊圉也。西域蕩平後。天山南北諸部。

悉隸版圖。則安西。哈密。已屬內地。而巴爾庫

勒。實爲新疆屯防首尾相應之總匯。乾隆二

十四年。以安西提督駐巴爾庫勒。其本標五

營馬步兵。悉行移駐。並令攜家遷往。有戍守

之利。無更番之擾。至安西。哈密防兵。則以次

遞減。蓋以巴爾庫勒爲內外扼要之區。而哈

密以東。無待多兵駐守也。二十七年。復移巴

爾庫勒防兵一千四百九十二名。駐烏魯木齊為協標。二十八年改協設鎮。二十九年改鎮設提。遞增兵至四千。由是屯墾日恢。邊儲倍物。烏魯木齊又為新疆屯防首尾相應之總匯。而巴爾庫勒以東。尤居腹地。固圍繕邊之良策。稱大備矣。

迪化州。

即烏魯木齊。

駐防滿洲蒙古馬步兵三千三百七十六名。乾隆二十六年。駐滿洲兵二百名。二十七年

增察哈爾兵二百名。索倫兵一百名。三十七年。改駐三千三百四十四名。三十八年。增三十二名。如今額。隸副都統轄。

駐防綠旗馬步兵四千名。初於內地及軍營派撥。無常額。乾隆二十七年。以安西提標前後二營移駐。共一千四百九十二名。隸副將轄。二十八年。改協設鎮。二十九年。改鎮設提。遞增兵如今額。屬提標中左右三營轄。

屯田臺差兵。於陝西甘肅省除派。按年輪替。屯見

政門

伊犁

駐防惠遠城滿洲蒙古兵四千二百四十名。

乾隆二十九年三十年三十一年陸續移駐。

分八旗每旗五佐領每佐領下馬步兵一百

六名隸領隊大臣轄。

駐防惠寧城滿洲蒙古兵二千一百四十四名。

乾隆三十五年初駐二千八十八名嗣陸

續裁增如今額分八旗每旗二佐領每佐領

下一百三十四名隸領隊大臣轄。

駐防錫伯兵一千名。乾隆三十年移駐初編

一昂吉三十二年分八旗每旗一佐領每佐

領下一百二十五名隸領隊大臣轄。

駐防索倫達呼爾兵一千名。乾隆二十九年

移駐初編一昂吉三十二年分八旗每旗一

佐領每佐領下一百二十五名隸領隊大臣

轄。

駐防察哈爾兵一千八百名。乾隆二十八年

二十九年移駐。初編一昂吉。分左右翼。各以六佐領分管。三十二年分八旗。每旗二佐領。一佐領下一百十二名。一佐領下一百十三名。隸領隊大臣轄。

按乾隆二十五年後。伊犁駐有額魯特兵九百二十名。分左右翼。三十二年改設八旗。三十七年。續駐土爾扈特兵共九百七十六名。內派往塔爾巴噶台三百五十名。按年輪替。分二十佐領管理。四十二年。全行移駐塔爾

巴噶台。

屯田綠旗兵三千名。於新疆駐防及陝西甘肅

省內派撥。

見屯政門

庫爾喀喇烏蘇。

駐防綠旗兵三百五十名。乾隆二十七年。初

設差兵三十名。臺兵七十五名。二十九年增

差兵二十名。三十二年增臺兵四十五名。三

十六年增防守兵二百名。共如今額。由陝西

甘肅省調派。

屯田兵一百十八名。初設三百名。後裁存如

今額。見屯政門

塔爾巴噶台。

駐防滿洲蒙古錫伯索倫達呼爾察哈爾額魯特兵二千一百二十六名。乾隆三十年於雅爾駐防京營滿洲黑龍江索倫兵九百名。三十一年裁。改駐滿洲蒙古錫伯索倫達呼爾察哈爾兵一千一百五十名。額魯特兵三百五十名。由伊犁調撥。四十二年。以原駐伊

犁額魯特兵九百七十六名。全行移駐。

駐防綠旗兵六十名。乾隆三十年駐雅爾。三十二年移駐塔爾巴噶台。三十四年增四十二名。三十六年仍裁。三十八年增二十四名。三十九年仍裁。如今額。

屯田兵五百四十名。初設五百四十名。三十四年增三百六十名。三十六年仍裁。三十八年增二百七十六名。三十九年仍裁。如今額。

見屯政門。

按準噶爾壤內接巴爾庫勒。外界俄羅斯。哈薩克。布魯特。諸蕃疆域遼遠。袤延數千里。設立臺站卡倫。頓兵防守。自烏魯木齊改鎮設提後。鬱爲重地。由是西迄伊犁。其駐防滿洲蒙古諸部兵。數自一二千至三四千不等。聲勢尤壯。其間任使令。供建築。勤屯種。則綠營兼資。因地制宜。咸有定額。滿洲蒙古諸部。隸以領隊大臣佐領協領諸員。綠旗則隸營員。而一惟將軍及辦事大臣統轄。其制更番輪

換。而烏魯木齊之綠營兵。則令攜眷移駐。並以察哈爾八旗中單寒人等。及新舊額魯特。亦令分往烏魯木齊伊犁。資以田產牲畜。永駐防守。至塔爾巴噶台。地居北境。邊防較重。亦分駐滿營諸部兵。以壯牧圍而嚴征繕。控扼形勢之道備焉。蓋準部兵防之大畧如此。

關展

駐防綠旗馬步兵三百三十名。乾隆二十五年。駐差兵四百四名。臺兵二百九十四名。二

十七年裁存三百名。二十八年增三十名。如今額。由陝西甘肅省除派。隸都司轄。

按關展舊設屯田兵一千八百九十名。二十六年裁存六百名。二十七年全裁。見屯政門。

哈喇沙爾。

駐防綠旗馬步兵七百四十五名。乾隆二十四年。初駐八百十七名。三十年裁一百名。三十二年裁十二名。三十五年裁五十名。三十八年增一百名。三十九年裁十名。如今額。由

陝西甘肅省除派。隸叅將轄。

按屯田兵卽於駐防兵內派撥。遞年增減三四百名不等。見屯政門。

庫車。

駐防綠旗馬步兵二百二名。乾隆二十四年。初駐兵三百名。二十五年後。增裁不一。至三十八年裁存如今額。由陝西甘肅省除派。隸都司轄。

按屯田兵卽於駐防兵內派撥。增減無常額。

見屯政門。

烏什。

駐防滿營馬步兵二百名。乾隆三十一年設。初自阿克蘇移駐。三十四年後。由伊犁調撥。三十九年後。由烏魯木齊巴爾庫勒調撥。隸領隊大臣轄。

駐防綠旗馬步兵七百五十名。乾隆三十一年。自阿克蘇移駐六百五十名。三十二年增五十名。三十三年增一百五十名。三十五年

賽爾裁一百名。如今額。由陝西甘肅省派撥。隸守備轄。

採銅兵二百五十名。乾隆三十一年。設五十名。三十二年增一百名。三十五年增一百名。如今額。

屯田兵四百名。乾隆三十一年。原設一千名。嗣裁五十名。三十二年裁二百名。三十三年裁一百五十名。三十四年裁一百名。三十五年裁一百名。如今額。由陝西甘肅省派調。

見屯

政門

阿克蘇

駐防綠旗兵一百名。乾隆二十五年。原駐兵一千名。二十七年裁三百名。三十一年裁六百五十名。三十二年增五十名。如今額。由陝西甘肅省派調。隸遊擊轄。

按乾隆二十五年原駐滿洲索倫兵二百名。三十年裁。

賽喇木

駐防綠旗兵四十名。乾隆二十五年。原駐兵一百二名。二十七年裁六十二名。如今額。由陝西甘肅省派調。隸遊擊轄。

分駐拜城綠旗兵十名。乾隆二十五年。原駐兵四十名。二十七年裁三十名。如今額。

喀什噶爾

駐防滿營馬步兵三百三十四名。乾隆二十四年。原駐兵五百四十九名。二十六年裁二百四十九名。二十七年增一百十六名。三十

六年。裁八十名。三十七年。裁二名。如今額。隸
叅領轄。

馬防綠旗馬步兵六百二十五名。乾隆二十
四年。原駐兵九百十名。二十六年。裁二百八
十五名。如今額。隸叅將轄。

分駐英噶薩爾滿營馬步兵八十名。乾隆二
十四年。原駐兵一百六十二名。二十六年。增
三十八名。二十七年。裁一百名。三十六年。裁
二十名。如今額。隸叅將轄。

分駐英噶薩爾綠旗馬步兵二百名。乾隆二
十四年。原駐兵三百九十二名。二十六年。裁
一百九十二名。隸遊擊轄。

葉爾羌。

駐防滿營馬步兵二百一十一名。原於軍營內
撥駐。無定額。乾隆二十六年。駐兵三百名。續
裁一百名。二十七年。增二十二名。三十七年
裁十一名。由伊犁派撥。隸佐領轄。

駐防綠旗馬步兵六百八十名。原於軍營內

撥駐無定額。乾隆二十七年。設防兵六百名。臺兵八十名。由陝西甘肅省派調。隸副將轄和闐。

駐防綠旗馬步兵二百三十二名。原於軍營內派駐。無定額。乾隆二十七年。設防兵二百名。臺兵三十二名。由陝西甘肅省派調。隸都司轄。

按回部素習農功。城邨絡繹。視準疆數千里。土曠人稀。形勢迥別。自全部輸誠內屬。設立

驛站卡倫之外。其各城所在。固無事多兵駐守矣。初以阿克蘇爲回部適中之地。喀什噶爾。葉爾羌。爲回部諸城之冠。英噶薩爾。則又兼境屬邊圉。外藩隣接。皆兼設滿營綠營。分兵防守。他如哈喇沙爾。庫車。賽喇木。烏什。和闐。則但酌留綠營以資捍衛。乾隆三十一年。以阿克蘇滿營防兵。移駐烏什。則烏什又爲山南重鎮。而阿克蘇祇駐綠營。因時立制之要。莫善于此。其兵額增減。令將軍大臣等。隨時

較量情形酌加變通計圖久遠駐防滿營統以佐領綠旗統以營員其回兵則令各城伯克經理而總以將軍大臣兼轄守兵中非攜眷永駐者分年以代俾得更番休息畧如山北諸路蓋回部兵防之大畧如此

漢書西域傳鄯善國勝兵二千九百十二人且末國勝兵三百二十人小宛國勝兵二百人精絕國勝兵五百人扞彌國勝兵三千五百四十人渠勒國勝兵三百人于闐國

勝兵二千四百人皮山國勝兵五百人西夜國勝兵一千人蒲犁國勝兵二千人依耐國勝兵三百五十人無雷國勝兵三千四百人難兜國勝兵八千人莎車國勝兵三千四百人疏勒國勝兵二千人尉頭國勝兵八百人烏孫國勝兵十八萬八千八百人姑墨國勝兵四千五百人温宿國勝兵千五百人龜茲國勝兵二萬一千七十六人烏壘勝兵三百人渠犁城勝兵一百五十人

尉犁國勝兵二千人。危須國勝兵二千人。
焉耆國勝兵六千人。烏貪訾離國勝兵五十
七人。卑陸國勝兵四百二十二。卑陸後
國勝兵三百五十人。郁立師國勝兵三百三
十一人。單桓國勝兵四十五人。蒲類國勝
兵七百九十九人。蒲類後國勝兵三百三十
四人。西且彌國勝兵七百三十八人。東且
彌國勝兵五百七十二人。却國勝兵百一十
五人。狐胡國勝兵四十五人。山國勝兵千

人。車師前國勝兵千八百六十五人。車師
後國勝兵千八百九十人。車師都尉國勝兵
八十四人。車師後城長國勝兵二百六十人。
後漢書西域傳拘彌國勝兵千七百六十人。
于賓國勝兵三萬餘人。西夜國勝兵三千人。
子合國勝兵千人。德若國勝兵三百五十
人。疏勒國勝兵三萬餘人。焉耆國勝兵二
萬餘人。蒲類國勝兵七百餘人。移支國勝
兵千餘人。東且彌國勝兵二千餘人。車師

前王勝兵二千人。後王勝兵三千餘人。

北史西域傳焉耆國。隋大業中其國勝兵千餘人而已。龜茲國。隋大業中勝兵可數千人。流勒國勝兵二千人。

唐書西域傳高昌勝兵萬人。焉耆國勝兵二千。突騎施烏質勒置二十都督督兵各七千。回鶻傳夷男勝兵二十萬。

按前史傳載西域兵制殊畧。緣當時境屬羈縻。未隸版籍。所謂勝兵云者。不過彼地傳聞

約畧之詞。與內地兵防無涉。是以多至十數萬。少僅數十人。指數參差。末由審正。今天山南北諸部。革心內面。諸度維新。一切駐守調遣之資。悉以滿洲蒙古綠旗兵派往。而於準部回民之材技足用者。亦收隸行間。兼資屯種。並以時簡閱訓練。與內地無異。迥非往代流傳失實者可比。洵爲善後之極軌已。

附臺站卡倫。

古者方軌所及。遐邇相維。傳命則有置郵。戍守

則有亭燧。然或限於列服。四裔之遠。規置缺如也。我

朝德威遐布。通道荒陬。如安西。哈密。巴爾庫勒。爲甘涼門戶。早經置亭設障。碁布星羅。洎乎蕩平西域。全隸版圖。地周二萬餘里。爲之遍置軍臺。而於其嚴疆要隘。毗接外藩處所。酌設卡倫。以資捍衛。其哈喇沙爾。烏什。阿克蘇。葉爾羌。喀什噶爾。阻絕河溝。有可以限戎馬之足者。復造舟以濟。以回民爲水手。免其納賦。因地制宜。繩聯

櫛比。法至善也。軍臺以營員及筆帖式領之。卡倫則領以前鋒校。驍騎校。而以待衛統之。其駐兵多寡。則視其地之大小。簡要爲差。駝馬車夫。分別安設。復以時酌量增裁移置。自烏魯木齊至阿爾泰諸處。以舊設阿濟。必濟。至阿爾泰。卡倫移置。兼理臺務。以喀爾喀兵駐守。爲喀爾喀武弁專轄。此又因勢利便。職要職詳。不虛糜而收實效。務俾制周遐徼。邊圉永固。斥堠無警。納萬里于闡闔。豈不休哉。爰附兵防。以備臺站卡

倫之經制云。

安西州屬臺站。

安西底臺。

渠口臺。自安西底臺東至此七十里。中設乾

溝小灣二汛。

布隆吉城臺。自渠口臺東至此七十里。中設

雙塔爾。月牙湖。空心墩三汛。

三道溝臺。自布隆吉城臺東至此九十里。接

玉門縣界。中設八道溝六道溝二汛。以上屬

安西州本境。

大東渠臺。自三道溝臺東至此五十里。

赤金峽臺。自大東渠臺東至此九十里。

赤金湖臺。自赤金峽臺東至此四十里。

火燒溝臺。自赤金湖臺東至此四十里。

惠回堡臺。自火燒溝臺東至此三十里。

黑山湖臺。自惠回堡臺東至此六十里。又東

三十里。至嘉峪關。以上屬玉門縣境。

白墩子臺。自州北至此九十里。中設得勝墩

白汛。

紅柳園臺。自白墩子臺北至此八十里。

大泉臺。自紅柳園臺北至此七十里。

馬蓮井臺。自大泉臺北至此六十里。接哈密

界。以上屬安西本州境。

安西州屬卡倫。

青頭山卡倫。

伊瑪圖卡倫。

渾菜口卡倫。

雅爾河卡倫。

白楊河卡倫。

納木克度爾卡倫。

平口子卡倫。

昌馬墩卡倫。

圓墩子卡倫。

鹹泉子卡倫。

小沙塔口卡倫。

大沙塔口卡倫。

西山口卡倫。

東山口卡倫。以上在玉門縣南。

梧桐泉卡倫。

木龍泉卡倫。以上在玉門縣北。

千佛洞卡倫。

沙棗墩卡倫。

石鄂博卡倫。

黨河口卡倫。

巴顏布拉克卡倫。

特木爾圖卡倫。以上在敦煌縣西。

哈密屬臺站。

哈密底臺。

黃蘆岡臺。自哈密底臺東至此七十里。

長流水臺。自黃蘆岡臺東至此七十里。

格子煙墩臺。自長流水臺東南至此六十五

里。

苦水臺。自格子煙墩臺東南至此一百四十

里。中設天生墩腰站。

沙泉子臺。自苦水臺南至此七十里。

星星峽臺。自沙泉子臺南至此八十里。又南

接安西州馬蓮井臺界。

頭堡臺。自哈密底臺西北至此六十里。

三堡臺。自頭堡臺西北至此六十里。

鴨子泉臺。自三堡臺西北至此七十里。

瞭墩臺。自鴨子泉臺西北至此八十里。

橙槽溝臺。自瞭墩臺西北至此八十里。又西

北接鎮西府宜禾縣屬肋巴泉臺界。

黑帳房臺。自哈密底臺北至此六十里。

南山口臺。自黑帳房臺北至此六十里。

達巴頂臺。自南山口臺北至此三十里。又北

接鎮西府宜禾縣屬奎蘇臺界。

哈密屬卡倫。

喀什布拉克卡倫。

格子煙墩卡倫。以上在哈密東境。

南湖卡倫。

滋泥泉卡倫。以上在哈密南境。

三間房卡倫。

烏克爾卡倫。

頭道溝卡倫。

柳樹溝卡倫。

葫蘆溝卡倫。以上在哈密西境。

柵門口卡倫。宜在哈密北境。

鎮西府屬臺站。

巴爾庫勒底臺。

即奎蘇臺。

自巴爾庫勒底臺西至此九十里。

肋巴泉臺。自度濟臺西南至此七十里。東接

哈密屬橙槽溝臺界。

烏爾圖臺。自肋巴泉臺西至此九十里。

噶順臺。自烏爾圖臺西至此九十里。又西接

奇臺縣屬色必臺界。

洮賚臺。自肋巴泉臺西南至此六十里。

梧桐窩臺。自洮賚臺西南至此百四十里。中

設洮賚井子腰站。

鹽池臺。自梧桐窩臺西南至此一百三十里。

中設惠井子腰站。又西南距闢展屬齊克塔木臺一百八十里。

松樹塘臺。自巴爾庫勒底臺東南至此八十里。以上屬宜禾縣。

色必臺。自噶順臺西至此八十里。

烏蘭烏蘇臺。自色必臺西北至此六十里。

阿克塔斯臺。自烏蘭烏蘇臺西至此九十里。

一灣泉臺。自阿克塔斯臺西北至此五十里。

木壘河臺。自一灣泉臺西至此四十里。

奇臺底臺。自木壘河臺西至此九十里。

地窩鋪臺。自奇臺底臺西至此四十里。以上

屬奇臺縣。又西接迪化州阜康縣屬大泉臺

界。

鎮西府屬卡倫。

呼濟爾臺卡倫。臺在鎮西府東北境。

木城卡倫。在鎮西府北境。

尖山子卡倫。在鎮西府西境。

按鎮西府西北沿山一帶。舊設卡倫十八處。

乾隆二十九年裁存三處。如今額。

迪化州屬臺站。

鄂倫拜牲底臺。

昂吉爾圖淖爾臺。自鄂倫拜牲底臺東至此

一百二十里。

哈喇巴勒噶遜臺。自昂吉爾圖淖爾臺東至

此一百十里。

哈畢爾噶布拉克臺。自哈喇巴勒噶遜臺東

至此一百十里中設白楊溝腰站。十里。

根特克臺。自哈畢爾噶布拉克臺東至此一

百里。又東南接關展屬土爾番臺界。

輯懷城臺。自鄂倫拜牲底臺東北至此四十

里。以上屬迪化州境。又東接阜康縣界。

阜康縣底臺。自輯懷城臺東至此九十里。

滋泥泉臺。自阜康縣底臺東至此九十里。

三台塘臺。自滋泥泉臺東至此七十里。

大泉塘臺。自三台塘臺東至此百三十里。以

上屬阜康縣境。又東接鎮西府奇臺縣界。

羅克倫臺。自鄂倫拜牲底臺西至此七十五里。

呼圖克拜舊音呼臺。自羅克倫臺西至此六十

十里。以上屬昌吉縣境。又西接綏來縣界。

圖古里克臺。自呼圖克拜臺西至此六十里。

瑪納斯臺。自圖古里克臺西至此九十里。

烏蘭烏蘇臺。自瑪納斯臺西至此八十里。

安濟哈雅臺。自烏蘭烏蘇臺西至此七十里。

以上屬綏來縣。又西接庫爾喀喇烏蘇屬奎

屯臺界。

迪化州屬卡倫。

紅山嘴卡倫。

伊拉里克卡倫。

塔本托羅海卡倫。以上在迪化州東。

納利特卡倫。在迪化州北。

按乾隆二十六年。原安烏爾圖布拉克賽奇

塔拉濟木薩三卡倫。三十年裁。

庫爾哈喇烏蘇屬臺站。

庫爾哈喇烏蘇底臺。

奎屯臺。自庫爾喀喇烏蘇底臺東至此五十里。又東接綏來縣屬安濟哈雅臺界。

布勒哈齊臺。自庫爾喀喇烏蘇底臺西至此六十五里。

都木達喀喇烏蘇臺。自布勒噶齊臺西至此六十里。

古爾圖喀喇烏蘇臺。自都木達喀喇烏蘇臺西至此五十五里。又西接晶河屬托多克臺

界。

庫爾河臺。自奎屯臺北至此九十里。

沙拉烏蘇臺。自庫爾河臺北至此九十里。

鄂倫布拉克臺。自沙拉烏蘇臺北至此七十

里。又北接塔爾巴噶台屬烏爾圖布拉克臺界。

晶河屬臺站。

晶河底臺。

托多克臺。自晶河底臺東至此一百二十五

里中設噶順腰站。又東接庫爾喀喇烏蘇屬古爾圖喀喇烏蘇臺界。

托里臺。自晶河底臺西至此六十里。

托和木圖臺。自托里臺西至此七十里。又西

接伊犁屬呼蘇圖布拉克臺界。

塔爾巴噶台屬臺站。

塔爾巴噶台底臺。

色特爾謨多臺。自塔爾巴噶台底臺東南至此七十里。

沙拉和洛蘇臺。自色特爾謨多臺東南至此七十里。

雅瑪圖臺。自沙拉和洛蘇臺東南至此九十里。

烏爾圖布拉克臺。自雅瑪圖臺東南至此七十里。又東南接庫爾喀喇烏蘇屬鄂倫布拉克臺界。

塔爾巴噶台屬卡倫。

烏里雅蘇圖卡倫。

吉莫爾色克卡倫。

哈爾巴噶卡倫。

布和什卡倫。

阿布達爾謨多卡倫。

和通喀爾海卡倫。以上在塔爾巴噶台北境。

瑪呢圖卡倫。

察罕托輝卡倫。

巴爾魯克卡倫。

達蘭沁卡倫。以上在塔爾巴噶台西南境。

喀屯果爾卡倫。東在塔爾巴噶台西境。

伊犁屬臺站。

伊犁底臺。

巴圖孟克臺。自伊犁底臺南至此六十里。

海努克臺。自巴圖孟克臺南至此五十里。

索郭爾臺。自海努克臺南至此九十里。

博爾臺。自索郭爾臺南至此七十里。

和訥海臺。自博爾臺南至此九十里。

特刻斯臺。自和訥海臺南至此一百里。

沙圖阿滿臺。自特刻斯臺南至此八十里。又

西南接阿克蘇所屬噶克察哈爾海臺界。

塔勒奇阿滿臺。自伊犁底臺北至此六十里。

博爾齊爾臺。自塔勒奇阿滿臺東北至此五

十里。

鄂爾追圖博木臺。自博爾齊爾臺東北至此

六十里。

呼蘇圖布拉克臺。自鄂爾追圖博木臺東至

此七十里。又東接品河屬托和木圖臺界。

伊犁屬卡倫。

塔勒奇卡倫。

幹珠罕卡倫。

碩波圖卡倫。

達蘭沁卡倫。

莎達巴卡倫。

哈布齊亥卡倫。

庫克托木卡倫。以上在伊犁北境。

和爾郭斯卡倫。

奇齊克卡倫。

奎屯卡倫。

博羅呼濟爾卡倫。

烘郭爾鄂籠卡倫。

惠番卡倫。以上在伊犁西境。

沙布爾托海卡倫。

托里卡倫。

春濟卡倫。

塔木哈卡倫。

特木爾里克卡倫。木齊木臺西至此六十里。

格根卡倫。自關界東臺西至此六十里。

呼圖克拜卡倫。自關界東臺西至此六十里。

鄂爾和珠爾卡倫。自關界東臺西至此六十里。

哈爾奇拉卡倫。以上在伊犁南境。

博羅布爾噶蘇卡倫。

庫克木錫克卡倫。

納拉特卡倫。

烏努固特卡倫。以上在伊犁東境。

按自特木爾里克至烏努固特九處卡倫。春季雪消安頓。冬季雪後撤回。

關展屬臺站。

關展底臺。

蘇魯圖臺。自關展底臺東至此五十里。

齊克塔木臺。自蘇魯圖臺東至此四十里。又

東南接鎮西府屬鹽池臺界。

連木齊木臺。自關展底臺西至此六十里。

森尼木臺。自連木齊木臺西至此七十里。

土爾番臺。自森尼木臺西至此九十里。南接

哈喇沙爾屬布干臺界。北接迪化州屬根特

克臺界。

哈喇沙爾屬臺站。

布干臺。自關展屬土爾番臺西至此九十里。

托克三臺。自布干臺西至此七十里。

蘇巴什臺。自托克三臺西至此九十里。乾隆

三十年。由伊拉里克移此。

阿哈爾布拉克臺。自蘇巴什臺西至此八十

里。

庫木什阿克瑪臺。自阿哈爾布拉克臺西南

至此一百三十里。乾隆三十年。由博爾圖昂

阿移此。

額克爾齊臺。自庫木什阿克瑪臺西至此二

百里。乾隆三十年。由博爾圖達巴移此。

烏沙克塔勒臺。自額克爾齊臺西至此八十

里。乾隆三十年。由鄂博爾博爾圖移此。

特伯勒古臺。自烏沙克塔勒臺西至此九十

里。

海都河北臺。自特伯勒古臺西至此九十里。

海都河南臺。自海都河北臺西至此一里。中

隔海都河。又西接庫車屬哈勒噶阿璊臺界。

哈喇沙爾屬卡倫。

察罕通格卡倫。在哈喇沙爾東北境。

庫車屬臺站。

庫車底臺。

托和鼈臺。自庫車底臺東至此六十里。

阿巴特臺。自托和爾臺東至此一百四十里。

布古爾臺。自阿巴特臺東至此百里。

英噶薩爾臺。自布古爾臺東至此一百里。

策特爾臺。自英噶薩爾臺東至此六十里。

車爾楚臺。自策特爾臺東至此一百六十里。

哈喇布拉克臺。自車爾楚臺東至此一百里。

庫隴勒臺。自哈喇布拉克臺東至此七十里。

哈勒噶阿瑞臺。自庫隴勒臺東至此六十里。

又東接哈喇沙爾屬海都河南臺界。

庫車屬卡倫。

庫克納克達巴卡倫。在庫車東北境。

塔里木卡倫。在沙雅爾南境。

賽喇木屬臺站。

賽喇木底臺。

赫色勒臺。自賽喇木底臺東至此四十里。又

東接庫車底臺界。

拜城臺。自賽喇木底臺西至此八十里。

鄂依斯塔克齊克臺。自拜城臺西至此九十

里。乾隆三十六年。自雅爾幹移此。舊屬阿克蘇。三十七年歸賽喇木轄。

賽喇木屬卡倫。

阿爾通和碩卡倫。

尼雜爾阿塔卡倫。以上在賽喇木東北境。

阿克蘇屬臺站。

阿克蘇底臺。

扎木臺。自阿克蘇底臺東至此八十里。

哈喇裕勒袞臺。自扎木臺東至此八十里。

察爾齊克臺。自哈喇裕勒袞臺東至此一百

二十里。乾隆三十六年自雅哈阿里克移此。

又東接賽喇木屬鄂依斯塔克齊克臺界。

庫木巴什臺。自阿克蘇底臺南至此八十里。

英額阿里克臺。自庫木巴什臺南至此六十

里。

都齊特臺。自英額阿里克臺南至此一百里。

又南接葉爾羌屬伊勒都臺界。

阿爾巴特臺。自扎木臺北至此八十里。乾隆

三十四年。自特克和羅移此。

亮格爾臺。自阿爾巴特臺北至此八十里。乾

隆三十六年。自和樂和羅克移此。

圖巴拉克臺。自亮格爾臺北至此八十里。

玉斯屯託海臺。自圖巴拉克臺北至此八十

里。自圖巴拉克臺南至此八十里。

塔木哈他什臺。自玉斯屯託海臺北至此七

十里。自塔木哈他什臺北至此

噶克察哈爾海臺。自塔木哈他什臺北至此

一百二十里。又北接伊犁屬沙圖阿察臺界。

烏什屬臺站。

烏什底臺。

阿察塔克臺。自烏什底臺東至此八十里。

察哈拉克臺。自阿察塔克臺東至此八十里。

乾隆三十年。自哲爾格哲克得移此。

烏什屬卡倫。

巴什雅克瑪卡倫。在烏什西境。

古古爾魯克卡倫。

必特克里克卡倫。

沙圖卡倫。以上在烏什西北境。

喀什噶爾屬臺站。

喀什噶爾底臺。

庫森提斯袞臺。自喀什噶爾底臺南至此八

十里。自庫森提斯袞臺東至此八十里。

英噶薩爾臺。自庫森提斯袞臺南至此八十

里。

托璞魯克臺。自英噶薩爾臺東至此七十里。

赫色勒察木倫臺。自托璞魯克臺東至此五

十里。又南七十五里。設戈壁腰站。南接葉爾

羌屬喀拉布扎什臺界。

喀什噶爾屬卡倫。

霍爾干卡倫。在喀什噶爾北境。

玉斯屯阿喇圖什卡倫。在喀什噶爾西境。

木什卡倫。

鄂坡勒卡倫。以上在喀什噶爾西南境。

塔什巴里克卡倫。在喀什噶爾南境。

喀木帕爾卡倫。

沙瑪拉卡倫。以上在英噶薩爾城西北境。

特斯比卡倫。在英噶薩爾城西境。

額克資雅爾卡倫。在英噶薩爾城西南境。

察木倫卡倫。在英噶薩爾城東北境。

葉爾羌和闐屬臺站。

葉爾羌底臺。

愛吉特呼臺。自葉爾羌底臺東至此七十里。

賴里特臺。自愛吉特呼臺東至此九十里。

邁納特臺。自賴里特臺東至此一百二十里。

阿朗格爾臺。自邁納特臺東至此九十里。

阿克薩克瑪拉爾臺。自阿朗格爾臺東至此

六十里。

畢薩克臺。自阿克薩克瑪拉爾臺東至此八

十里。

賽爾古努斯臺。自畢薩克臺東至此七十里。

哲克得里克托海臺。自賽爾古努斯臺東至

此七十里。

巴爾楚克臺。自哲克得里克托海臺東至此一百里。

庫克轍爾臺。自巴爾楚克臺東至此八十里。

汗阿里克臺。自庫克轍爾臺東至此七十里。

烏圖斯克璊臺。自汗阿里克臺東至此六十

里。

伊拉都臺。自烏圖斯克璊臺東至此五十里。

又東接阿克蘇屬都齊特臺界。

伯什恰特臺。自葉爾羌底臺南至此七十里。

羅和克亮噶爾臺。自伯什恰特臺南至此一百十里。

固璊臺。自羅和克亮噶爾臺南至此一百六十

里。

袞得里克臺。自固璊臺南至此一百二十里。

皮雅勒阿勒瑪臺。自袞得里克臺南至此一

百

里。

喀喇布扎什臺。自葉爾羌底臺西至此七十
里。又西接喀什噶爾屬赫色爾察木倫臺界。
葉爾羌屬卡倫。

賽里克卡倫。在葉爾羌北境。

亮噶爾卡倫。在葉爾羌西境。

庫克雅爾卡倫。在葉爾羌西南境。

裕勒阿里克卡倫。

奇靈卡倫。以上在葉爾羌南境。

密爾岱舊音爾塔克卡倫。在葉爾羌西南境。

薩納珠卡倫。在葉爾羌東南境。

漢書西域傳自貳師將軍伐大宛之後。西域震
懼。多遣使來貢獻。漢使西域者益得職。於是自
敦煌西至鹽澤。往往起亭。又武帝虜樓蘭王。遂
破姑師。因暴兵威。呂動烏孫大宛之屬。於是漢
列亭障至玉門矣。

唐書吐蕃傳張騫始通西域。障候亭燧。出長城
數千里。太宗文皇帝踐漢舊迹。並南山。抵葱嶺。
部裂府鎮。烟火相望。安祿山亂。哥舒翰悉河隴

兵東守潼關。而諸將各以所鎮兵討難。始號行營。邊候空虛。故吐蕃得乘隙暴掠。元宗收黃河磧石宛秀等軍。中國無斥堠警者幾四十年。開遠門揭候署曰。西極道九千九百里。示戍人無萬里行也。回鶻傳。太宗詔磧南鷓鴣泉之陽。置過郵六十八所。具羣馬潼肉待使客。

按今臺站卡倫之制。於古爲亭障。爲斥堠。歷代史書。未有專紀。其在西域。則漢出長城數千里。自敦煌至鹽澤。祇及今之哈喇沙爾。唐

並南山抵葱嶺。亦未能跨越山北。兼以通絕不常。羈縻著號。置郵之迹。不過髣髴可考。至若漢時南北二道。南道從鄯善傍南山北。波河西行至莎車。北道自車師前王廷傍北山。波河西行至疏勒。隋書裴矩傳。載自敦煌至西海爲三道。其北道從伊吾。經蒲類海。鐵勒部。突厥可汗庭。其中道從高昌。焉耆。龜茲。疏勒。度葱嶺。其南道從鄯善。于闐。朱俱波。喝槃陀。度葱嶺。今自關展。至哈喇沙爾。庫車。阿克

蘇喀什噶爾軍臺絡繹。卽漢書車師前王庭
自北山波河西行至疏勒。隋書從高昌至焉
耆龜茲疏勒之道也。其自伊吾經蒲類海鐵
勒部突厥可汗庭者。卽自今之鎮西府至迪
化州西迄伊犁之道。乾隆二十七年議設臺
站。與山南分道並行。是則古者亭埃所在。駐
兵分段之故。雖難備考。而里數經歷之大概
有可証者。爰因臺站卡倫之附載而詳論之
如此。

欽定皇輿西域圖志卷之三十一

